

UGOVOR
ZA HITNE INTERVENCIJE NA DISTRIBUTIVNIM MREŽAMA
JNRGR 06/2019

Zaključen u Sarajevu dana 28.02.2019. godine između:

KJKP „ Toplane – Sarajevo “ d.o.o.

sa sjedištem u Sarajevu, ul. Semira Frašte br. 22

kojeg zastupa Direktor Admir Džubur (u daljem tekstu: **Naručilac radova**)

Transakcijski račun: 154-001-20003337-76 (Intesa Sanpaolo Banka d.d. Sarajevo)

PDV broj: 200353740001

i

„ MONT GRADNJA “ d.o.o.

sa sjedištem u Sarajevu, ul. Trg Nezavisnosti br. 9

kojeg zastupa Direktor Senija Šarić (u daljem tekstu: **Izvođač radova**)

Transakcijski račun: 338-320-22508745-33 (UniCredit bank d.d. Sarajevo)

PDV broj: 200071090004

PREDMET UGOVORA

Član 1.

Predmet ovog Ugovora je izvođenje građevinskih radova na hitnim intervencijama na distributivnim mrežama prema obrascu za cijenu ponude sa predmjerom materijala i radova za potrebe Naručioca radova, a zaključuje se nakon provedenog otvorenog postupka javne nabavke broj: JNRGR 06/2019, u skladu sa Odlukom o izboru najpovoljnijeg ponuđača broj: 03-03-01-135/19 od 12.02.2019. godine i ponudom zaprimljenom pod brojem 481/19 od 29.01.2019. godine koja odgovara uslovima iz tenderske dokumentacije, te zaključenim okvirnim sporazumom broj: 03-08-04-987-502.01/19 od 28.02.2019. godine. Sastavni dio ovog ugovora je:

- Aneks 2 – obrazac za ponudu sa izjavom ponuđača
- Aneks 3a – obrazac za cijenu ponude sa predmjerom materijala i radova za pojedinačni ugovor

CIJENA I NAČIN PLAĆANJA

Član 2.

Ukupna vrijednost ugovorenih radova iz Člana 1. ovog Ugovora, bez uračunatog PDV-a, iznosi:

84.049,96 KM

(slovima: osamdesetčetirihiljadečetredesetdevet i 96/100 KM)

Vrijednost ugovorenih radova iz Obrasca za cijenu ponude sa predmjerom materijala i radova, bez iznosa 10 % - nespecificirani radovi, bez uračunatog PDV-a iznosi:

76.409,05 KM

(slovima: sedamdesetšesthiljadačetiristinedevet i 05/100 KM)

Iznos od 10% ukupne vrijednosti bez uračunatog PDV-a iz Obrasca za cijenu ponude sa predmjerom materijala i radova u prilogu:

7.640,91 KM

(slovima: sedamhiljadašeststotinačetredeset i 91/100 KM)

predviđen je za nespecificirane radove odnosno eventualne naknadne potrebe Naručioca za dodatnim radovima iz Aneks 3, koji će biti realizovan prema važećim jediničnim cijenama.

Jedinične cijene su fiksne i ne mogu se mijenjati, a količine se utvrđuju građevinskom knjigom.

Član 3.

Plaćanje će se vršiti na osnovu prijema računa Izvođača radova, sa specifikacijom izvedenih radova potpisanom od strane ovlaštenih predstavnika ugovornih strana, najkasnije u roku od 30 dana od dana prijema računa.

Član 4.

Izvođač radova se obavezuje da za izvršene radove ispostavlja račune u skladu sa Zakonom o PDV-u, svakog mjeseca za radove izvedene u toku tog mjeseca.

ROKOVI

Član 5.

Rok izvođenja radova: sukcesivno tokom cijelog ugovornog perioda, u skladu sa dogovorom i naknadno utvrđenom dinamikom izvođenja radova između ugovornih strana. Izvođač je obavezan početi radove odmah a najkasnije 2 sata od prijema poziva Naručioca.

Izvođač je dužan zatražiti od Naručioca radova produženje roka, ako je zakašnjenje radova prouzrokovano višom silom.

Član 6.

Ako Naručilac utvrdi, da Izvođač bezrazloženo oteže izvođenje radova, ili slabom organizacijom ne garantuje kvalitetno i blagovremeno izvršenje radova, može izvođenje tih radova, ili samo dijela tih radova, uz prethodnu obavijest, ustupiti drugom izvođaču, a razliku u cijeni i nastalu štetu naplatiti od Izvođača.

MJESTO IZVOĐENJA RADOVA

Član 7.

Mjesto izvođenja radova je više lokacija u Kantonu Sarajevo na distributivnoj mreži Naručioca (hitne intervencije na kraćim dionicama vrelovođa i toplovođa).

OBAVEZA UGOVORNIH STRANA

Obaveze Naručioca

Član 8.

- da Izvođaču omogući nesmetano izvođenje radova,
- da Izvođaču preda kopiju katastra podzemnih instalacija,
- da Izvođaču preda projektnu dokumentaciju,
- da upozna Izvođača sa pravilima i procedurama Naručioca radova,
- da osigura nadzor nad izvođenjem radova.

Obaveze Izvođača

Član 9.

- da za izvođenje radova angažuje stručne izvršioce za obavljanje ugovorenog posla,
- da predmetne radove izvede kvalitetno u skladu s važećim zakonskim propisima, normativima i standardima i u odgovarajućem roku,
- da se pridržava propisanih tehničkih uslova za prokopavanje i zatrpavanje javnih površina,
- da po završetku određene faze, dobije odobrenje od Naručioca za nastavak radova (potpisom u građevinski dnevnik),
- da se u svemu pridržava zakonske regulative iz oblasti zaštite okoliša,
- da po završetku radova gradilište dovede u prvobitno stanje, da za svoje izvršioce osigura potrebnu opremu i zaštitna sredstva u skladu sa važećim zakonskim propisima,

- da poštuje kućni red i sva pravila i procedure Naručioca radova,
- da uredno vodi građevinski dnevnik,
- da se pridržava tehničkog uputstva za izvođenje radova,
- da organizuje i ogradi gradilište,
- da sva mjesta gdje postoji povremena ili stalna opasnost obilježi tablama upozorenja i uputama za rad na siguran način,
- da obavezno bude prisutan prilikom izvođenja mašinskih radova
- da radove izvodi i nakon završetka radnog vremena, ukoliko se za to ukaže potreba.

NADZOR

Član 10.

Nadzor nad izvođenjem radova vršiće lice kojeg odredi Naručilac. Tokom izvođenja radova Izvođač mora odrediti rukovodioca gradilišta i omogućiti nadzornom organu da nesmetano vrši nadzor.

Član 11.

Pričinjena šteta na izvedenim radovima bilo od strane Izvođača ili Naručioca utvrdit će se zapisnički od strane predstavnika obje ugovorne strane. Ako se ne postigne zajednički dogovor formiraće se stručna komisija, koju čine po jedan član Naručioca i Izvođača, a trećeg člana dogovorom će izabrati izvan svog sastava. Procjena štete putem ove komisije obavezna je za obje ugovorne strane.

Član 12.

Ugovorne strane utvrđuju da su njihovi ovlašteni predstavnici:

Predstavnik Izvođača radova je Senija Šarić, kontakt telefon: 033 / 543 – 011.

Predstavnik Naručioca radova je Fuad Efendić, kontakt telefon: 061 / 907 – 739.

UGOVORNA KAZNA

Član 13.

Ukoliko Izvođač ne završi ugovorene radove i ne preda ih Naručiocu u ugovorenom roku, plaća ugovornu kaznu u visini 0,5% za svaki započeti dan zakašnjenja i to na ukupnu vrijednost radova, a ne više od 5% ukupne vrijednosti ugovora.

PRIMOPREDAJA

Član 14.

Po okončanju radova izvršiće se primopredaja o čemu se sastavlja Zapisnik koji potpisuju predstavnik Naručioca i Izvođača.

GARANTNI ROK

Član 15.

Izvođač garantuje za kompletno i kvalitetno izvođenje radova po ugovoru u trajanju od min. 2 godine, koliko traje garantni rok. Garantni rok teče od dana primopredaje.

AVRŠNE ODREDBE

Član 16.

Ugovor se zaključuje na godinu dana ili do momenta utroška ugovorenih finansijskih sredstava, uz mogućnost pismenog otkaza bilo koje ugovorne strane. Otkazni rok iznosi 30 dana.

Član 17.

Ugovorne strane su saglasne da sve eventualne nesporazume po ovom ugovoru rješavaju prije svega sporazumno, u duhu dobrih poslovnih običaja, a u suprotnom nadležan je sud u Sarajevu.

Član 18.


Ugovor stupa na snagu danom potpisivanja.

Član 19.

Ugovor je sačinjen u 2 (dva) istovjetna primjerka od kojih svaka od ugovornih strana zadržava po 1 (jedan) primjerak.

Za Izvođača radova

„MONT GRADNJA“ d.o.o.



Senija Šarić

Broj: OK7-03/19 /19



Za Naručioca radova

KJKP „Toplane – Sarajevo“ d.o.o.


Admir Džubur

Broj: 03-08-04-986 -502.01/19



**Izvršni direktor za
tehničke poslove i marketing**


Nenad Šormaz